

Giachen Loretz-Hendry, Tujetsch

GR 9.12.86



sil venderdis ils 10 d'october 1986 e
rendiu si'olma al Scaffider.

Giachen Loretz ei naschius a Selva,
pia dadens gl'uaul, ils 26 da fenadur
1915 ed ei staus il tierz da 13 affons dils
geniturs Michel Anton e Maria Loretz,
nata Deflorin. Enamiez in pign mund
da suffels, nevadas e lavinas. Cheu ei
il preziau trapassau carschius si ed ha
frequentau las scolas. Gia duront ils
emprems onns da scola ha ei giu num
serender denteren ad alp u tier purs
per saver gudignar dus raps e segidar
a casa. Ils onns vargan ed il Giachen ei
daventaus in um spir forza. El era in
carstgaun da bien cor.

Els onns d'uiara (1939–1945) ha el bein
savens stuiu serender als cunfins. Per
tut anavon en vischnaunca – ed ord
quella – mava el ad uaul e vid vias e
rempars. 1956 ha el menau agl altar

(G.F.) «Gl'ei sta-
biliu ch'il car-
stgaun hagi ina-
gada da murir.»

— Quels plaids
ein puspei ina-
gada severificai
dapli culla mort
da nies vischin
Giachen Loretz
ch'ha concludiu
il viadi terrester
la notg gievgia

sia spusa e futura consorta Mariuschla
Hendry, da Surrein/Tujetsch. Ina
dunna quieta e da siu fatg. El cumpra
casa a Surrein, rugalescha ora, e pli
tard aunc ina autra a Sedrun. La lètg
ei stada benedida d'in stupent fegl: il
Franz. Arrivond il temps dallas explo-
taziuns da nossas auas e la gronda la-
vur era ella val, ha il Giachen imme-
diat fatg si in Jeep. Gleiti cumpra el in
grond auto da transport e meina
aschidadir di e notg cement ed auter
material per la construcziun dils mirs
da fermada per ils lags artificials.

Ed ils onns vargan e las lavurs pli
grondas van era plaunet a fin. Ch'el ha
adina plitost pitiu, ei stau las conse-
quenzas da lavurs en gallarias. Ils da-
vos onns ha el luvrau tier la Firma Lo-
retz SA. A quella che dat lavur a tons
indigens, eis el staus fetg attaschaus.
Igl ei vegniu pli quiet entuorn il Giac-
hen. El serenda differentas gadas el
Spital cantunal a Cuera. Ins sto bein-
gleiti seperschuader che las forzas
mavan a fin – ed ha schau vegnir el a
casa. La mort ha liberau el da tuts
mals ils 10 d'october 1986. Treis dis pli
tard han ins pertau el el bi santeri da
Sedrun. El ha ussa finiu siu cuors ter-
rester.

Als restai anavos admettein nus nossa
pli cordiala condolenza. Niessegner
vegli schar sclarir ad el ed a nos cars
defuncts la glisch perpetna.